

112 3. nóv. lítið, að annaðhvort yrði að reikna borgunina fyrir sýslumann og hina tilkvöddu menn eptir tilsk. 15. apr. 1776 8. gr. og yrði hún þá samtals 26 kr. 64 a. eða — og það ætlið þjer rjettara — eptir lögum 13. jan. 1882 8. og 3. gr. hvað mennina snertir, en fyrir sýslumann einsog í opinberum málum og þá yrði borgunin til hinna tilkvöddu manna, rjett talin, samtals 49 kr. og til sýslumanns 21 kr.

Í tilefni af þessu skal yður til vitundar gefið til þóknanlegrar leiðbeiningar, að jeg fæ eigi betur sjeð, en að ákvörðunin í 8. gr. tilskipunar 15. apríl 1776 um borgun fyrir útvísun til nýbýlis sje þegar fallin burtu fyrir hinum almennu ákvörðunum í aukatekjureglugjörðinni 10. sept. 1830, og að þessvegna beri nú, einsog þjer hafið álitíð, að reikna borgun þá, er hjer er um rætt, hvað skoðunarmennina snertir eptir lögum 13. jan. 1882 8. og 3. gr. og fyrir sýslumann einsog í opinberum málum, og hef jeg samkvæmt þessu úrskurðað hinn framsenda reikning og sendi yður hjermeð, til frekari ráðstöfunar, jarðabókarsjóðsávísun handa sýslumanninum í Ísafjarðarsýslu fyrir hinni úrskurðuðu upphæð hans, 70 kr.

113 5. nóv. *Brjef landshöfðingja til amtmannsins yfir suðuramtinu og vesturamtinu um endurgjald á tolli af vínföngum.* — Með þóknanlegu brjefi, 7. ágúst þ. á. hafið þjer, herra amtmaður, sent mjer erindi frá kaupmauni Jóni Árnasyni í Þorlákshöfn, þarsem hann fer þess á leit, að fá endurgoldinn toll af 104 pottum af 16' spiritus er niður hafi lekið af vínföngum sem hann fjekk með skipinu Elfriede Mumm í síðastliðnum maímánuði.

Útaf þessu skal yður til vitundar gefið til þóknanlegrar leiðbeiningar og birtingar fyrir ofanefndum kaupmanni, að með því að eigi sje færð full sönnun fyrir hinum umrædda leka, hvorki með vottorði lögreglustjóra einsog lög 11. febr. 1876 3. gr. ákveða, eða með eidfestum vitnisburði tveggja óvilhallra manna, þá sjái jeg mjer eigi fært að leyfa hina umbeðnu endurborgun.

114 17. nóv. *Brjef landshöfðingja til stiptsyfirvaldanna um jarðabætur á prestssetrinu Arnarbæli.* — Í erindi nokkru, er hin leiðruðu stiptsyfirvöld hafa sent mjer með þóknanlegu brjefi 3. sept. þ. á., og mælt fram með, hefur presturinn að Arnarbæli, síra Ísleifur Gíslason, skýrt frá því, og stutt það með vottorði búfræðings, að afveizluskurður sá, er 1874 var grafinn á Arnarbælisengjum á kostnað prestakallsins hafi ekki orðið að tilætluðum notum og í stað þess að bæta jörðina hafi miklu fremur orðið til spillingar, og með því að viðhaldið á skurðinum verði ár frá ári erfiðara og kostnaðarsamara, hefur hann farið þess á leit, að hann mætti verða leystur frá að halda þessum skurði lengur við, og að lán það, er veitt var til hans á sínum tíma og skyldan til að halda honum við, mætti yfirferast á nýjan skurð, sem hann hefur látið byrja á, og sem að álitu búfræðings er líklegri en hinn til að verða prestssetrinu að gagni.

Í tilefni af þessu skal yður hjermeð þjónustusam'ega til vitundar gefið til þóknanlegrar leiðbeiningar og birtingar fyrir síra Ísleifi Gíslasyni, að jeg er fús til að fallast á, að ofanáminnst lán og viðhaldsskylda yfirferist á hinn nýja skurð á engjum Arnarbælis, er síra Ísleifur hefur byrjað á að láta grafa, ef hann sannar með löglegri úttektargjörð, að skurður þessi sje vel og haganlega gjörður, og að til hans hafi verið kostað

að minnsta kosti eins miklu og eptirstöðvarnar af láninu til hins upprunalega skurðar nema.

114

17. nóv.

Auglýsing

um sóttvarnarráðstafanir gegn skipum frá frakkneskum höfnum milli Nantes og Cherbourg.

24. nóv.

Það auglýsist hjermeð samkvæmt 2. gr. laga frá 17. desember 1875, um mótvarnir gegn því að bólusótt og hin austurlenzka kólerusótt og aðrar næmar sóttir flytjist til Íslands, að reglum þeim, sem settar eru í nefndum lögum, ber fyrst um sinn að beita að því er snertir skip, sem koma hingað til landsins frá frakkneskum höfnum milli Nantes og Cherbourg eða sem á leiðinni hingað hafa haft viðskipti við skip frá nefndum höfnum.

Auglýsing þessi gengur í gildi þegar í stað.

Reykjavík 24. nóvember 1885.

Landshöfðinginn yfir Íslandi.

Bergur Thorberg

Jón Jenson.

Auglýsing fyrir sjófarendur.

Á Valhúsi á Seltjarnarnesi verður kveikt á ljóskeri til leiðbeiningar sjófarendum á nóttu hverri frá 1. sept. til 30. apríl ár hvert. Ljóskerið er á stöng, hjerumbil 120 fet yfir sjávarflöt og undir 64°9' norðlægrar breiddar og 21°58' vestlægrar lengdar fjórðung mílu í suður (43°) og austur frá Gróttuvörðu og sýnir skært hvítt ljós.

116

24. nóv.

Sömuleiðis er til leiðbeiningar skipum, sem ætla inn á Reykjavíkurhöfn eptir að farið er að dimma, kveikt á ljóskerum á vesturenda Engeyjar á tímabilinu frá 1. sept. til 30. apríl ár hvert. Ljóskerin eru tvö og bæði á sömu stöng, 32 og 24 fet yfir sjávarmál, og sjást í hjerumbil 6 fjórðungsmílna fjarlægð. Efra ljóskerið sýnir skært hvítt ljós, en hið neðra rautt ljós.

Reykjavík 24. nóvember 1885

Landshöfðinginn yfir Íslandi.

Bergur Thorberg.

Jón Jenson.

Brjef landshöfðingja til amtmannsins yfir norður- og austuramtinu um eptirgjöf á leigum af hallærisláni. — Í tilefni af bónarbrjefi frá sýslumanninum í Húna- vatnssýslu fyrir hönd sýslunefndarinnar þar, sem hann hefur sent hingað beina leið, og að partil fengnum myndugleika frá ráðgjafanum fyrir Ísland, veiti jeg hjermeð Húna- vatnssýslu samkvæmt 4. gr. fjárlaganna eptirgjöf á leigum til loka þessa árs af hallærisláni, er sýsla þessi hefur fengið úr landssjóði, samkvæmt skuldabryfi 23. ágúst 1883, móti því, að frá þeim tíma greiðist af láni þessu 4% í leigur árlega, og að $\frac{1}{8}$ hluti þess endurgreiðist síðan á ári hverju.

117

26. nóv.

Þetta undanfelli jeg eigi að kunngjöra yður hjermeð, herra amtmaður, til þóknulegrar leiðbeiningar og birtingar fyrir hlutaðeigandi sýslunefnd.